

8. Թոյլ տալ, որ եզուլտ աստուածաբաններ դասաւանդեն Էջմիածնի հոգեւոր դպրանոցում, իսկ թագաւորը իր վրայ չէ վերցնում նւրանց ծախսը:

9. Սրբազրել աղանդաւոր մասերից եկեղեցական գրքերը: Թագաւորը յանձն է առնում սրբազրուած գրքերը տպել իր հաշուով Մարիամպոլի վարժարանին կից հիմնուելիք տպարանում եւ ձրի տարածել Հայաստանում:

10. Հաղորդել Լեհաստանի թագաւորին եւ Հռովմի պապին, ամէն անգամ, նոր կաթողիկոսի ընտրութիւնը:

11. Մինչեւ վերոյիշեալի իրագործումը, լեհական արքունիքում պահել առանձին դեսպան:

12. Անմիջապէս վերադարձնել լեհական դեսպանին, Պետրոսովիչին, պատասխանելով արուած առաջարկներին:

Հալուէր Պետրոսովիչը մեկնել Լեհաստանից, երբ Եան Սորեսկին վախճանուեց:

Բայց Եան Սորեսկի մահից յետոյ էլ հայկական թագաւորութեան վերականգնումը չկորցրեց իր շահեկանութիւնը Արեւմտեան Եւրոպայի համար: Յայտնի է, իրենց թէ ուրիշ մէկին նկատի ունէր Եան Սորեսկին, երբ իր ծրագրի կէտերից մէկով հայերին առաջարկում էր Հայաստանի թագաւոր ընտրել Եւրոպայի քրիստոնեայ թագաւորներից մէկին:

Սակայն հայկական դահի թեկնածուն գտնուեց շատ շուտով: Եան Սորեսկի մահից ուղի երկու տարի անցած, նման մի ծրագրով հրապարակ ելաւ Հոննոսեան պալատին եւ ելեկտոր\*), Բաւարիայի իշխան Եոհան Վիլհելմը, որ իր թեկնածութիւնը դրեց հայկական դահի համար\*\*):

\*) Սրբազան Հռովմէական Կայսրութեան (Աւստրիայի) կայսեր ընտրութեան (electio) իրաւունքը պատականում էր կայսրութեան սահմաններէ մէջ մտնող մեծաքանակ իշխանութիւններից միայն 7-ին (յետագային 10-ին):

\*\*) Heigel, Ueber den Plan des Kurfürsten Johann Wilhelm von der Pfalz die armenische Königskrone zu gewinnen (1698-1705), München, 1894.

Եոհան Վիլհելմը, որ ազգակցական կապերով կապուած էր Լէոպոլդ կայսեր եւ Լեհաստանի թագաւոր Ստանիսլաւ Աւգուստի հետ, շատ հեշտութեամբ ստացաւ աջակցութիւնը Հռովմի, որը վաղուց արդէն ուշադրութիւն էր դարձրել հայ ժողովրդի ճակատագրի վրայ եւ ձգտում էր հայերին կաթողիկոսական հաւատի դարձնել: Ծատ հեշտութեամբ գտնուեց եւ «համապատասխան» հայը, որը միացնում էր իր մէջ արտակարգ նախաձեռնութիւն: Այդ հայը, որ փոխարինեց Եան Սորեսկիի գործակից կոմս Կոստանդուին Սիւրիացուն, Հայոց պատմութեան քաջամանօթ Իսրայէլ Օրին էր, Պոռչեան մելիքների տնից:

1678 թ. Օրին, իր հօր Իսրայէլի հետ, մտնում էր Յակովբ կաթողիկոսի պատուիրակութեան մէջ, որը դնում էր Եւրոպայի խնդրելու համար պապին եւ քրիստոնեայ թագաւորներին, որ նրանք ազատեն հայերին պարսկական լծից: Յակովբ կաթողիկոսի մահից յետոյ պատուիրակութիւնը վերադարձաւ Հայաստան, իսկ Օրին մնաց Եւրոպայում: Նա ապրեց Իտալիայում, Ֆրանսիայում եւ, վերջապէս, հասաւ Բաւարիայի իշխանի մօտ: Կատարեց զինուորական ու քաղաքացիական պաշտօններ, զբաղուեց առեւտրով՝ ծախելով գոհարեղէն, գորգեր, մետաքս ու ձի, որոնք այն ժամանակուայ Եւրոպայում գտնուող հայերի վաճառքի ընդհանուր առարկան էին կազմում:

Տֆալցի Պալատինը նրան դարձրեց իր գործակիցը, եւ Օրին երեւան բերեց արտակարգ եռանդ ու ձեռներէցութիւն եւ շատ շուտով հայկական հարցին կուսակից դարձրեց ու գրաւեց Ռուսաստանի ցար Պետրոս Մեծին եւս: Ուշագրաւ է, որ իր հովանաւորներից իւրաքանչիւրի առջեւ Օրին պատկերացնում էր միայն նրան հետաքրքրող հեռանկարներ. Հռովմի պապին խոստանում էր կաթողիկոսութիւն ընդունել տալ հայերին, Բաւարիայի իշխանին՝ հայկական թագը, իսկ Պետրոս Մեծին՝ Անդրկովկասի եւ Կասպից Ծովի նուաճումը:

Այս պատմական դէպքի հետաքրքրական մանրամասնութիւնները արժանի են առանձին ուսումնասիրութեան եւ դուրս են ներկայ դըրուածքի սահմաններից: Յիշենք միայն, որ